

# Peserta bukan terbaik

## tidak jejas kejuaraan

-4 DEC 1987

Harian (M)

MESKIPUN beberapa negara enggan mengakui peserta mereka adalah yang terbaik, ia tidak berarti mutu Kejuaraan Silat Sedunia di Stadium Negara sekarang akan terjejas, kata Presiden Persekutuan Pencak Silat Antarabangsa (Persilat), Eddie M Nalapraya.

"Keengganan mereka mengakui hakikat adalah sekadar satu sikap merendah diri. Sebenarnya, dalam ilmu persilat termasuk silat olahraga, memang diterangkan nilai-nilai budi pekerti serta keluhuran yang tinggi supaya ilmu yang ada tidak

menyebabkan seseorang pesilat membesar-besarkan diri.

"Masakan peserta itu bukan yang terbaik sedangkan mereka dipilih berdasarkan kejohanan kebangsaan masing-masing. Beberapa negara Eropah pula menjalani latihan tidak kurang enam bulan lamanya," kata Eddie, yang juga Wakil Gabenor Jakarta.

Menurut beliau, Persilat adalah satu badan induk antarabangsa yang mempunyai sepuluh ahli gabungan dan tujuh ahli bersekutu sejak ditubuhkan secara rasmi pada 1980.

### Meningkat

Dalam kejuaraan pertama dan kedua cuma tujuh hingga 15 negara menyertainya, tetapi ia kini meningkat kepada 19 negara.

Beliau berkata, memandang kejuaraan kali ini lebih besar penyeretannya, perkara tangkap muat semestinya tidak timbul kerana dalam ilmu mempertahankan diri termasuk silat olahraga, tidak ada peserta yang berani turun ke gelanggang jika ilmu belum cukup didada.